



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Formularium Episcopale**

**Barbosa, Agostinho**

**Coloniae Agrippinae, 1680**

Formula LXXIII. Litterarum collationis Canonicatus & praebendae resignatorum ex causa permutationis pro aliis Canonicatu, & praebenda de licentia Episcopi, in cujus dioecesi sunt.

**urn:nbn:de:hbz:466:1-10456**

naliter constitutum, in corporalem possessionem, seu quasi, Parochialis Ecclesiae & pertinentium praedictorum per annuli nostri traditionem inducimus, & investimus de eadem, praestito per te, & per nos recepto ad sancta Dei Evangelia corporali juramento, quod nobis & successoribus nostris Archiepiscopis Bracharenf. fidelis, & obediens eris, sanctae Matris Ecclesiae, nostrisque & successorum nostrorum parebis mandatis, dictaeque Ecclesiae, in spiritualibus, & temporalibus, ac divinis benè, & laudabiliter deservies & deserviri facies, oneraque ipsius Ecclesiae debita supportabis, & jura nostra persolves, terras, domos, vineas & alias possessiones atque jura Parochialis Ecclesiae manutenebis, & defendes pro posse, nihilque quod ad dictam Ecclesiam pertineat, alienabis vendes, seu distrahes, sed alienata, distracta, & vendita ad jus, & proprietatem dictae Parochialis Ecclesiae reduces pro posse, & reduci procurabis. Quocirca &c. ut in form. 62.

## FORMULA LXXIII.

*Litterarum collationis Canonicatus & praebenda resignatorum ex causa permutationis pro aliis Canonicatu, & praebenda de licentia Episcopi, in cujus diocesi sunt.*

**D** Rodericus &c. Dilecto nobis in CHRISTO N. Canonico N. salutem in Domino sempiternam. De-

fideria justa petentium congruo favore prosequimur, & in votis eorum quae a rationis tramite non discordant, libenter exhibemus nos promptum & benignum. Cum itaque hodie tu per dilectum nostrum N. clericum nostrae Diocesis Canonicatum & praebendam, quos in nostra Ecclesia Cathedrali N. obtinebas, & dilectus noster N. Canonicatum & praebendam, quos in Ecclesia similiter Cathedrali N. obtinebat, per etiam dilectos nostros N. & N. procuratores vestros, a vobis specialiter constitutos, in manibus nostris ex causis permutationis de ipsis inter vos faciendae, & non alias, spontè, & liberè resignaveritis, Nos resignationem hujusmodi ex causâ praedicta, auctoritate nostra ordinaria quoad partem, & ex speciali commissione per Reverendissimum in Christo Patrem D. N. Dei & Apost. Sedis gratia Episcopum N. quoad aliam super hoc nobis in modum qui sequitur factam. N. Dei & Apostolice Sedis gratia Episcopus N. R. in Christo Patri Domino N. Episcopo N. salutem &c. recepimus & admittimus. Nosque vigore commissionis hujusmodi votis vestris in hac parte favorabiliter annuentes, praedictos Canonicatum & Praebendam Ecclesiae Cathedralis N. tenore praesentium tibi conferimus & assignamus ac providemus, etiam de eisdem, teque licet absentem, in personam dicti procuratoris tui coram nobis propter hoc personaliter constituti, in corporalem possessionem, seu quasi Canonicatus & praebendae, juriusque & pertinen-

inentium prædictorum, per annuli nostri traditionem inducimus, & investimus de eisdem, prærito per te, vel procuratorem tuum prædictum pro te, in manibus nostris ad sancta Dei Evangelia corporali juramento, quod eidem D. Episcopo N. & exinde successoribus suis Episcopis fidelis & obediens eris, ac sanctæ Matris Ecclesiæ ejusdem Domini N. Episcopi, & successorum suorum parebis mandatis, jura, libertates Ecclesiæ N. nec non Canoniatum & præbendam prædictos, adversus omnes manutenebis, & defendes, eidemque Ecclesiæ ratione Canoniatu & præbendæ deservies & deserviri facies laudabiliter, in divinis, ac nihil quod pertinet ad eosdem Canoniatum & præbendam alienabis, nec distrahes, sed alienata, & distracta ad jus & proprietatem dictorum Canoniatu, & præbendæ reduces, pro posse, & reduci procurabis. Quocirca vobis R. Decano, & Capitulo Ecclesiæ N. prædictæ, vice & nomine præfati D. Episcopi, præsentium tenore damus in mandatis, quatenus eundem N. vel procuratorem suum ejus nomine, in & ad corporalem & actualem possessionem Canoniatu & præbendæ, juriurque & pertinentium prædictorum recipiatis, amoto ab eis quolibet detentore illicito ac eundem N. vel procuratorem suum prædictum ad eosdem Canoniatum, & præbendam in præfata Ecclesia N. in Canonicum recipiatis & in fratrem, stallumque sibi in choro, & locum in Capitulo ipsius Ecclesiæ cum Canonici juris

plenitudine assignetis, sibi que de ipsorum Canoniatu & præbendæ fructibus, redditibus, proventibus, juribus & obventionibus universis integre respondeatis, & ab aliis plenarie & integre responderi faciatis. In quorum fidem &c. Dat. &c.

## FORMULA LXXIV.

*Litterarum collationis beneficii simplicis vacantis per liberam resignationem de eo factam in manibus Episcopi.*

**D** Rodericus &c. Dilecto nobis in CHRISTO N. Clerico Bracharenli in jure Canonico Licentiato, salutem in Domino sempiternam. Litterarum scientia, vitæ ac morum honestas, aliaque probitatis ac virtutum merita, quibus fide digno commendaris testimonio, nos inducunt, ut tibi ad gratias reddamur liberales. Cum itaque beneficium simplex &c. quod nuper N. illius ultimus & immediatus possessor obtinebat, per simplicem resignationem dicti N. ad præscriptum Constitutionis felicis record. Pii Papæ V. in manibus nostris spontè & liberè factam, & per nos auctoritate nostra ordinaria admissam liberè vacare noscatur. Nos meritorum tuorum intuitu, tibi, qui ad hoc examinatus, & idoneus repertus fuisti, præfatum beneficium conferimus, & assignamus, ac providemus de eodem, teque coram nobis personaliter consti-